



- SENAT -

Broj: 01-19-3/20

Sarajevo, 09. 09. 2020. g.

Na osnovu člana 130. Zakona o visokom obrazovanju („Službene novine Kantona Sarajevo“, broj: 33/17), članom 59, a u vezi 7. Statuta Univerziteta u Sarajevu, a u vezi sa Zahtjevom Filozofskog fakulteta Univerziteta u Sarajevu, broj: 01/261-1 od 02. 09. 2020. godine, Senat Univerziteta u Sarajevu je na 18. elektronskoj sjednici održanoj 09. 09. 2020. godine, *d o n i o s l j e d e ć u*

O D L U K U

1. Odobrava se dopunski rok za upis studenata u prvu godinu prvog ciklusa studija i prvu godinu integriranog studija na Univerzitetu u Sarajevu za studijsku 2020/2021. godinu.
2. Dopunski upisni rok se odnosi na fakultete/akademije Univerziteta u Sarajevu na kojima postoje upražnjenja mjesta prema broju i strukturi studenata/kandidata predviđenim Planom upisa studenata u prvu godinu prvog ciklusa i integriranog studija na Univerzitetu u Sarajevu u studijskoj 2020/2021. godini i za koje kandidati iskažu interes i na kojima nije predviđen prijemni ispit.
3. Dopunski upisni rok će se realizirati po završetku drugog upisnog roka prema Konkursu za upis studenata u prvu godinu prvog ciklusa studija i prvu godinu integriranog studija na Univerzitetu u Sarajevu za studijsku 2020/2021. godinu.
4. Zahtjevi/prijave studenata/kandidata za dopunski upisni rok vrše se direktno putem studentskih službi fakulteta/akademija Univerziteta u Sarajevu.
5. Obavezuju se fakulteti/akademije Univerziteta u Sarajevu da imenuju komisije koje će razmotriti prijave studenata/kandidata za dopunski upisni rok i dostaviti putem vijeća liste studenata/kandidata koji ispunjavaju uvjete za upis, Univerzitetu u Sarajevu odnosno Univerzitetskom-teleinformatičkom centru.
6. Ova odluka se dostavlja Ministarstvu za obrazovanje, nauku i mlade Kantona Sarajevo na dalje postupanje.

O b r a z l o ž e n j e

Razmatrajući Zahtjev Filozofskog fakulteta Univerziteta u Sarajevu, broj: 01/261-1 od 02. 09. 2020. godine, Senat Univerziteta u Sarajevu odobrava dopunski rok za upis studenata u prvu godinu prvog ciklusa studija i prvu godinu integriranog studija na Univerzitetu u Sarajevu za studijsku 2020/2021. godinu, unutar odobrenog broja i strukture studenata/kandidata

predviđenim Planom upisa za studijsku 2020/2021. godinu, a s ciljem pružanja mogućnosti studiranja svima koji žele da studiraju na Univerzitetu u Sarajevu.

S obzirom na naznačeno, Senat je odlučio kao u dispozitivu.

REKTOR

Prof. dr. Rifat Škrijelj



Dostavljeno

- Fakulteti/akademije UNSA
- Ministarstvo za obrazovanje, nauku i mlade Kantona Sarajevo
- Univerzitetsko-teleinformatički centar
- ⊖ Službi za nastavu UNSA
- U dokumentaciju Senata x2
- Arhivi